

UTHM hebat di Hong Kong

Catat sejarah tersendiri di Kejohanan Hong Kong Indoor Rowing Championship 2011

NINA FARZUIN MD SHAROM

BATU PAHAT - Universiti Tun Hussein Onn Malaysia (UTHM) berjaya merangkul satu pingat emas, dua perak dan dua gangsa dalam Kejohanan Hong Kong Indoor Rowing Championship 2011 yang berlangsung baru-baru ini sekali gus mencatatkan sejarahnya tersendiri di pentas sukan antarabangsa.

Pegawai Perhubungan Awam UTHM, Safry Salim berkata, kejayaan membanggakan itu membolehkan bendera Malaysia dan UTHM dikibarkan di Kowloon Park Sports Centre Hong Kong dengan pingat emas diperoleh menerusi acara Men's Post Secondary Institutions Team Relay yang diwakili oleh Mohd Zulfadli Rozali, Safwan Mat Jani, Muhamad Fahmi Hamsi dan Mohamed Norsyafiq Mohamed Busari.

Menurutnya, pingat perak pula diperoleh menerusi acara Men's Open Individual kategori 19 tahun ke atas oleh Safwan Mat Jani serta trio Aminnur Hayati Zaiman, Norliana Mohamad, Razlinda Zailan dan Nurul Shafirah Abu Samah bagi kategori Women's Post secondary Institutions Team Relay.

"Pingat gangsa pula melalui Low Boon Chuan dalam acara Men's Open Individual A 2000 meter dan Aminnur Hayati Zaiman dalam acara Women's Open Individual 500 meter," katanya.

Katanya, kejohanan yang berprestij tinggi ini dianjurkan Hong Kong China Rowing Association yang menarik lebih 1000 peserta yang terdiri daripada pasukan-pasukan dan kelab dari negara itu sendiri dan negara luar.

Safry berkata, pasukan UTHM Paddlers yang mewakili Malaysia adalah



■ Pasukan UTHM Paddlers yang mewakili Malaysia.

seramai 14 orang atlet yang terdiri daripada lapan orang lelaki dan enam orang wanita dan jurulatih kecergasan merangkap Pengurus Pasukan, Shaid Jaffar dan Azlei Abdul Jalil turut mengiringi pasukan pada kejohanan tersebut.

"Kejayaan yang dicapai para atlet pada kejohanan tersebut adalah hasil usaha latihan yang berpanjangan dan disiplin yang tinggi yang ditunjukkan oleh UTHM Paddlers sendiri yang di bawah pengawasan dan bimbingan jurulatih

mereka.

"Pada tahun ini, UTHM Paddlers menasarkankan 10 pingat emas bagi menjuarai dan mempertahankan kejuaraan dalam Karnival Sukan Air MASUM 2011 menerusi acara kayak serta

rowing dan kejayaan yang dicapai pada kejohanan ini membuktikan bahawa UTHM mampu melahirkan atlet bertaraf antarabangsa sekiranya diberikan lebih banyak pendedahan dan peluang ke peringkat lebih tinggi," katanya.